

Na osnovu člana 71. Zakona o visokom obrazovanju - prečišćeni tekst („Sl. glasnik USK“, br: 24/17, 15/20, 24/21) i Odluke Vlade Unsko-sanskog kantona, broj: 03-02-51-759/2024 od 13.06.2024. godine, Univerzitet u Bihaću **objavljuje**

KONKURS / NATJEČAJ
za upis studenata u I (prvu) godinu I, II i III ciklusa studija na fakultete Univerziteta u Bihaću u akademskoj 2024/2025. godini

1. Upis studenata u I (prvu) godinu I (prvog) ciklusa studija:

Konkurs/Natječaj za upis studenata u I godinu I ciklusa studija u akademskoj 2024/2025. traje od 19.6.2024. godine do 5.7.2024. godine (prvi prijavni rok).

Konkurs/Natječaj za upis studenata u I godinu I ciklusa studija u akademskoj 2024/2025. traje od 15.7.2024. godine do 13.9.2024. godine (drugi prijavni rok).

OPĆE ODREDBE

U prvu godinu studija u akademskoj 2024/2025. godini kandidati se upisuju u skladu sa planom upisa studenata.

Pravo učešća na Konkursu/Natječaju imaju državljani BiH, strani državljani i lica bez državljanstva sa završenom odgovarajućom srednjom školom u četverogodišnjem trajanju u BiH, kao i kandidati koji su srednju školu završili izvan Bosne i Hercegovine, u skladu sa zakonskim propisima.

Prijem i upis studenata u I godinu studija provodi posebna komisija koju imenuje nadležni organ Fakulteta Univerziteta u Bihaću.

Izbor kandidata vršit će se na osnovu Odluke o kriterijima i mjerilima za utvrđivanje redoslijeda prijema kandidata za upis studenata u I godinu studija na Univerzitetu u Bihaću koja je sastavni dio ovog KONKURSA/NATJEČAJA, kao i pojedinačnih kriterija fakulteta Univerziteta u Bihaću za vrednovanje ocjena iz predmeta relevantnih za odgovarajući studij.

Preliminarna lista kandidata za prvi prijavni rok objavit će se najkasnije do 8.7.2024. godine, dok će se za drugi prijavni rok objaviti najkasnije 16.9.2024. godine.

Na preliminarnu listu, kandidati imaju pravo prigovora u roku od dva dana od dana objave iste o kojoj je vijeće organizacione jedinice obavezno donijeti odluku.

Nakon isteka žalbenog roka organizaciona jedinica objavljuje konačnu rang listu, 11.7.2024. godine za prvi prijavni rok, a 19.9.2024. godine za drugi. Odluka Vijeća je konačna.

Fakulteti Univerziteta u Bihaću će na svojim oglasnim pločama i web stranicama dati potpune informacije o mjestu i vremenu predavanja dokumenata na Konkurs/Natječaj.

Za prijavu na Konkurs/Natječaj za upis u I godinu studija kandidat je dužan predati sljedeća dokumenta:

- 1) Prijava na Konkurs;
- 2) Originalne svjedodžbe/ovjerene fotokopije o završenim razredima srednje škole završene u BiH u četverogodišnjem trajanju, odnosno odgovarajuća nostrificirana dokumenta/potvrda za kandidate koji srednju školu nisu završili u BiH;
- 3) Originalnu diplomu/ovjerenu fotokopiju o završenoj srednjoj školi;
- 4) Izvod iz matične knjige rođenih;
- 5) Uvjerenje o državljanstvu;
- 6) Druge dokumente relevantne za utvrđivanje broja bodova po kriterijima.

Kandidati se mogu prijaviti na dva fakulteta/studijska programa na Univerzitetu u Bihaću. Original dokumenti se predaju na fakultet/studijski program primarnog izbora, a ovjerena fotokopija dokumenata na fakultet/studijski program alternativnog izbora. Po

završetku Konkursne procedure nakon objavljivanja rang-liste kandidata, primljeni kandidat se na izabrani fakultet Univerziteta u Bihaću, upisuje sa original dokumentima.

Prijave podnesene poslije utvrđenog roka, kao i nepotpune prijave neće se uzimati u razmatranje.

Za sve studijske odsjeke Univerziteta u Bihaću koji ne prime planirani broj kandidata u prvom prijavnom roku, prijem studenata vršit će se u skladu sa Odlukom Vlade USK-a, broj: 03-02-51-759/2024 od 13.6.2024. godine i u drugom prijavnom roku.

Pravo učešća na Konkursu/Natječaju u drugom prijavnom roku imaju svi kandidati koji se nisu prijavili u prvom prijavnom roku, a ispunjavaju uslove konkursa.

Odluka o kriterijima i mjerilima za utvrđivanje redoslijeda prijema kandidata za upis u I (prvu) godinu I (prvog) ciklusa studija, objavit će se na web stranici fakulteta.

1. Upis studenata u I (prvu) godinu I (prvog) ciklusa studija u akademskoj 2024/2025. godini izvršit će se kako slijedi:

FAKULTET	Odsjek	Studijski program/Smjer	Broj studenata			
			Redovni	Redovni samofinansirajući	Vanredni *	Ukupno
PEDAGOŠKI FAKULTET	Odsjek za jezike i književnost (bosanski jezik i književnost, engleski jezik i književnost, njemački jezik i književnost)		10	0	*	10
	Odsjek za primarni odgoj i obrazovanje (predškolski odgoj, razredna nastava)		10	0	*	10
	Odsjek za predmetnu nastavu (matematika i fizika, matematika i informatika, informatika i tehnička kultura)		10	0	*	10
	Umjetničko-nastavnički odsjek (likovna kultura, muzička kultura)		10	0	*	10
	Tjelesni odgoj i sport		15	0	*	15
	UKUPNO		55	0	*	55
TEHNIČKI FAKULTET	Mašinski odsjek		20	3	*	23
	Građevinski odsjek		15	2	*	17
	Elektrotehnički odsjek		30	5	*	35
	Tekstilni odsjek		10	1	*	11
	UKUPNO		75	11	*	86

BIOTEHNIČKI FAKULTET	Poljoprivredni	Opći	10	0	*	10
	Zaštita okoliša	Inženjerstvo u zaštiti okoliša	10	0	*	10
	Prehrambeni odsjek	Preh.teh/ Nutricionizam	10	0	*	10
	UKUPNO		30	0	*	30
PRAVNI FAKULTET			20	7	*	27
	UKUPNO		20	7	*	27
EKONOMSKI FAKULTET	Akademski studijski program poslovne ekonomije		30	5	*	35
	Stručni studijski program poslovne ekonomije		20	5	*	25
	UKUPNO		50	10	*	60
FAKULTET ZDRAVSTVENIH STUDIJA	Sestrinstvo	Sestrinstvo	20	2	-	22
		Fizikalna terapija	23	2	-	25
	Sanitarno inženjerstvo	Sanitarno inženjerstvo	10	2	-	12
	UKUPNO		53	6	-	59
ISLAMSKI PEDAGOŠKI FAKULTET	Islamska vjeronauka		10	0	*	10
	Socijalna pedagogija i duhovna skrb		15	0	*	15
	UKUPNO		25	0	*	25
Interdisciplinarni studijski program: Šumarstvo i drvna industrija			10	1	*	11
Biologija i hemija			10	0	*	10
Ukupno na I (prvoj) godini I (prvog) ciklusa studija			328	35	*	363

*** U upisne kvote ne ulaze vanredni studenti. Univerzitet može upisati neograničen broj vanrednih studenata.**

Upis primljenih kandidata će se obaviti u septembru/rujnu tekuće godine, a detaljne informacije o mjestu i vremenu predaje dokumenata za upis, kao i druge bitne informacije, biće objavljene na oglasnim pločama fakulteta Univerziteta u Bihaću.

2. Upis studenata u I (prvu) godinu II (drugog) ciklusa studija za akademsku 2024/2025. godinu obaviti će se kako slijedi:

FAKULTET	Naziv II (drugog) ciklusa	Broj studenata
BIOTEHNIČKI FAKULTET	Šumarski odsjek: Uzgajanje, uređivanje i iskorištavanje šuma	7
	Prehrambeni odsjek: Održivi sistemi proizvodnje hrane	7
	Prehrambeni odsjek: Nutricionizam	7
	Zaštita okoliša: Ekoinženjerstvo	7
	Poljoprivredni odsjek	7
PRAVNI FAKULTET	Studij prava	7
TEHNIČKI FAKULTET	Master studij TF 4+1	15
EKONOMSKI FAKULTET	Menadžment i poduzetništvo	7
	Finansije, računovodstvo i revizija	7
ISLAMSKI PEDAGOŠKI FAKULTET	Islamska vjeronauka	7
	Socijalna pedagogija i duhovna skrb 4+1	7
PEDAGOŠKI FAKULTET	Odsjek za predškolski odgoj	7
	Odsjek za njemački jezik i književnost	7
	Odsjek za tjelesni odgoj i sport	7
	Odsjek za razrednu nastavu	7
FAKULTET ZDRAVSTVENIH STUDIJA	Sestrinstvo	7
	Sanitarno inženjerstvo	7
UKUPNO NA STUDIJU II CIKLUSA		127

Konkurs/Natječaj za upis u I (prvu) godinu II (drugog) ciklusa studija na fakultete Univerziteta u Bihaću, u akademskoj 2024/2025. godini traje od 19.6.2024. godine do 5.7.2024. godine za prvi prijavni rok.

Konkurs/Natječaj za upis u I (prvu) godinu II (drugog) ciklusa studija na fakultete Univerziteta u Bihaću, u akademskoj 2024/2025. traje od 15.7.2024. godine do 13.9.2024. godine (drugi prijavni rok).

Pravo upisa u I (prvu) godinu II (drugog) ciklusa imaju kandidati sa završenim I (prvim) ciklusom studija i stečenih 240 ECTS u skladu sa članom 154. Statuta Univerziteta u Bihaću, kao i kandidati koji su završili četverogodišnji studij odgovarajućeg fakulteta po predbolonjskom sistemu školovanja.

Studenti se upisuju kao redovni, samofinansirajući i vanredni studenti, po vlastitom izboru.

Informacije o prijavi na Konkurs i potrebnim dokumentima za prijavu, kao i bliže odredbe i uslove upisa studenta na I godinu II ciklusa studija zainteresirani kandidati će dobiti na fakultetima Univerziteta u Bihaću.

Prijave sa potrebnom dokumentacijom (original ili ovjerene kopije) za upis u I godinu II ciklusa studija predaju se na fakultete u utvđenom prijavnom roku svakim radnim danom (na adrese Fakulteta navedene u tekstu ispod).

Prijave na konkurs za I i II ciklus studija, sa potrebnim priložima, dostavljaju se na slijedeće adrese:

- Ekonomski fakultet, ul. Pape Ivana Pavla II 2/1, 77 000 Bihać , Telefon: 037 222 511 i 222 513
- Biotehnički fakultet, ul. Luke Marjanovića bb, 77 000 Bihać, Telefon: 037 228 059
- Pedagoški fakultet, ul. Luke Marjanovića bb, 77 000 Bihać, Telefon: 037 229 880 i 229 850
- Islamski pedagoški fakultet, ul. Žegarska aleja bb, 77000 Bihać, Telefon: 037 220 162
- Tehnički fakultet, ul. Irfana Ljubijankića bb, 77000 Bihać, Telefon: 037 226 273
- Pravni fakultet, ul. Džanića mahala 68, Tel: 037 312 409 i 037 319 190
- Fakultet zdravstvenih studija, ul. Nositelja hrvatskog trojstva br 4. Tel: 037 227 046 i 037 226 842
- Za interdisciplinarnu studijsku programe:
Šumarstvo i drvna industrija, Tehnički fakultet, ul. Irfana Ljubijankića bb, 77000 Bihać, Telefon: 037 226 273
Biologija i hemija, Pedagoški fakultet, Luke Marjanovića, Telefon:037 229 880 i 229 850

Ovaj Konkurs/Natječaj, kao i konačni rezultati prijema, objavit će se i na web stranici Fakulteta/Univerziteta u Bihaću.

3. Upis studenata u I (prvu) godinu III (trećeg) ciklusa studija za akademsku 2024/2025. godinu izvršit će se kako slijedi:

FAKULTET	Naziv III (trećeg) ciklusa	Broj studenata
TEHNIČKI FAKULTET	Savremene proizvodne tehnologije	3
	Elektronika i računarstvo	3
PRAVNI FAKULTET	Doktorski studij prava	7
UKUPNO NA STUDIJU III CIKLUSA		13

Uslovi za upis na III (treći) ciklus studija Tehničkog fakulteta

Akademsko zvanje po završetku doktorskog studija:

Završetkom doktorskog studija iz studijskih programa“ Savremene proizvodne tehnologije“ i „Elektrotehnika i računarstvo“, kandidati imaju pravo na stjecanje akademske titule i naučnog zvanja Doktor tehničkih nauka iz odgovarajuće oblasti u skladu sa Pravilnikom o korištenju akademskih titula, naučnih i stručnih zvanja na visokoškolskim ustanovama u Unsko-sanskom kantonu.

Trajanje doktorskog studija:

Doktorski studij SAVREMENE PROIZVODNE TEHNOLOGIJE i ELEKTROTEHNIKA I RAČUNARSTVO, traje tri (3) akademske godine, odnosno 6 semestara i vrednuje se sa 180 (ECTS) studijskih bodova. Predavanja, konsultacije i istraživanja traju četiri (4) semestra a objava rezultata istraživanja i izrada doktorskog rada dva (2) semestra. U prvom semestru sluša se obavezni seminarski modul i tri obavezna predmeta, u drugom semestru sluša se pet (5) izbornih predmeta, u trećem i četvrtom semestru se pod mentorstvom izvode naučna istraživanja, u petom semestru se dovršavaju naučna istraživanja i radi doktorski rad, te u šestom semestru se dovršava i po završetku semestra javno brani doktorski rad.

Uslovi za upis na doktorski studij:

(A) Kandidati koji žele da se upišu na doktorski studij „Savremene proizvodne tehnologije“ treba da ispunjavaju jedan od uslova:

a) da imaju završen master (diplomski) studij iz naučnog polja mašinstva, odnosno užih naučnih oblasti: proizvodno mašinstvo, konstrukciono mašinstvo, tehnologije drveta, dizajn proizvoda od drveta, kao i kandidati koji su završili II ciklus studija iz užih naučnih oblasti Tehnologije drveta, i Dizajn proizvoda od drveta, na šumarskom fakultetu.

b) da su stekli diplomu magistra nauka iz pomenutih naučnih oblasti iz tačke a) po predbolonjskom procesu,

c) da su stekli diplomu „diplomirani inženjer“ iz pomenutih užih naučnih oblasti (tačka a) na nekom od tehničkih ili šumarskih fakulteta, po predbolonjskom procesu obrazovanja.

(B) Kandidati koji žele da se upišu na doktorski studij „Elektrotehnika i računarstvo“ treba da ispunjavaju jedan od uslova:

a) da imaju završen master (diplomski) studij iz naučnog polja elektrotehnike, odnosno užih naučnih oblasti: računarstvo, informatika, elektronika, automatika, energetika i telekomunikacije.

b) kandidati koji su završili naučni magistarski studij po predbolonjskom sistemu obrazovanja i stekli zvanje magistra nauka iz pomenutih užih naučnih oblasti pod a).

c) kandidati koji su završili fakultet po predbolonjskom sistemu školovanja i stekli zvanje „diplomirani inženjer“ iz pomenutih užih naučnih oblasti pod a), uz objavljena najmanje dva naučna rada na međunarodnim konferencijama ili časopisima iz navedenih oblasti pod a).

Kandidatima za upis koji su stekli titulu magistra nauka prije uvođenja Bolonjskog procesa obrazovanja priznaje se 60 ECTS studijskih bodova (dva semestra), u skladu sa Zakonom o visokom obrazovanju.

Direktno pravo upisa na doktorski studij imaju kandidati (pod tačkom a, b i c) koji su diplomirali sa prosječnom ocjenom iznad 8,50. Kandidati koji imaju niži prosjek ocjena sa pomenutog školovanja, trebaju priložiti dvije preporuke od uglednih naučnih radnika iz užih naučnih oblasti na koje se vrši upis na doktorski studij. Ostali uslovi upisa regulisani su Pravilima studiranja na III ciklusu studija Univerziteta u Bihaću.

Potrebna dokumentacija: Informacije o potrebnoj dokumentaciji za prijavu na konkurs i iznos školarine zainteresirani kandidati će dobiti na Tehničkom fakultetu Univerziteta u Bihaću.

Rok za prijavu na konkurs:

Rok za prijavu na konkurs je od 19.6.2024. godine do 18.10.2024. godine.

Konkurs će biti objavljen na web stranici Univerziteta u Bihaću (www.unbi.ba) i web stranici Tehničkog fakulteta u Bihaću (www.tfb.ba).

Prijave na konkurs za III ciklus studija sa potrebnim priložima dostaviti na adresu:

JU UNIVERZITET U BIHAĆU
TEHNIČKI FAKULTET
Ulica Dr. Irfana Ljubijankića bb
77000 Bihać

Sa naznakom: "ne otvarati - prijava na doktorski studij".

Uslovi za upis na III (treći) ciklus studija Pravnog fakulteta

Akademsko zvanje po završetku dokorskog studija

Akademski naziv koji se stiče završetkom Dokorskog studija prava na Pravnom fakultetu Univerziteta u Bihaću je: Doktor/ica pravnih nauka, smjer građanskog, krivičnog, državnog ili evropskog prava.

Trajanje studija

„Doktorski studij prava“ na Pravnom fakultetu Univerziteta u Bihaću organizira se u šest semestara. U prvom semestru se slušaju četiri obavezna predmeta, u drugom semestru se slušaju tri izborna predmeta po smjerovima, u trećem semestru se izrađuje i brani projekat doktorske disertacije, u četvrtom semestru se prijavljuje tema doktorska disertacija, u petom i šestom semestru se piše doktorska disertacija, te se po završetku izrade javno brani doktorska disertacija.

Uslovi za upis na doktorski studij

Pravo upisa na III ciklus studija imaju kandidati/ce koji/e ispunjavaju sljedeće uslove:

1. diplomirani pravnik/ica sa naučnim stepenom magistra/ice pravnih nauka,
2. diplomirani pravnik/ica sa naučnim stepenom magistra/ice nauka drugih fakulteta društvenih nauka,
3. magistri/ce pravnih nauka sa završenim dodiplomskim studijem drugih fakulteta društvenih nauka,
4. diplomirani pravnik/ica sa zvanjem magistra/ice prava,
5. magistri/ce prava sa završenim dodiplomskim studijem drugih fakulteta društvenih nauka,
6. bakalaureat prava sa zvanjem magistra prava,
7. bakalaureat prava sa zvanjem magistra drugih fakulteta društvenih nauka,
8. magistri/ce prava sa završenim I ciklusom studija drugih fakulteta društvenih nauka.

Kandidati/ice koji/e ispunjavaju uslove iz tač. 1), 2) i 3) upisuju IV semestar dokorskog studija, odnosno kandidatima/icama koji/e su stekli/e titulu magistra nauka prije uvođenja bolonjskog trocikličnog studija priznaje se 90 ECTS bodova.

Ostali/e kandidati/ce upisuju I semestar dokorskog studija.

Potrebna dokumentacija

Informacije o potrebnoj dokumentaciji za prijavu na konkurs i iznos školarine zainteresirani kandidati će dobiti u Studentskoj službi Pravnog fakulteta.

Rok za prijavu na konkurs:

Rok za prijavu na konkurs je od 19.6.2024. godine do 18.10.2024. godine.
Konkurs će biti objavljen na web stranici Univerziteta u Bihaću (www.unbi.ba).

Prijave na konkurs za III ciklus studija sa potrebnim priložima dostaviti na adresu:

JU UNIVERZITET U BIHAĆU

Pravni fakultet

ul. Džanića mahala br. 68

77000 Bihać

Sa naznakom: “ne otvarati - prijava na doktorski studij”.

Napomena: Dokumentacija dostavljena u ovjerenoj kopiji neće biti vraćena kandidatima.